



Budžet  
za građane

OPĆINA ILIJAŠ

**Poštovane sugrađanke i poštovani sugrađani,**

Čast mi je prezentovati vam Vodič kroz Budžet Općine Ilijaš za 2020.godinu, koji smo pripremili kako bismo omogućili jednostavan uvid u plan budžetskih sredstava i na slikovit način prezentovali neke od najznačajnijih aktivnosti i projekata planiranih u 2020. godini, u skladu sa utvrđenim dugoročnim ciljevima razvoja naše Općine.

U ovoj godini, cilj nam je prije svega ostvariti zacrtane infrastrukturne projekte, od kojih su neki novi, a neki započeti u ranijim godinama, dok smo istovremeno vodili računa o zadržavanju standarda u segmentu izdvajanja za projekte namijenjene najranjivijim kategorijama našeg stanovništva, kao što su djeca i omladina, penzioneri, boračka i nezaposlena populacija.

Želja nam je da kroz ovaj Vodič, osim informisanja o načinu raspolaganja javnim sredstvima, objasnimo ključna pitanja te na taj način budžet učinimo pristupačnijim i razumljivijim, kao i da povećamo vaš interes za općinske aktivnosti i projekte, te u konačnici doprinesemo većoj uključenosti javnosti u pripremu budžeta kroz proces javne rasprave koji se provodi tokom izrade godišnjeg plana budžeta.



**Općinski načelnik, Akif Fazlić**



## BUDŽET ZA GRAĐANE

Novac kojim raspolažu institucije vlasti na svim nivoima u svojim budžetima je novac građana. Prihodi dolaze od građana kroz poreze (na prodaju roba i usluga, dohodak, plaće, imovinu, ...) i plaćanje raznih taksi i naknada. Čak i kada prihodi dolaze od kredita, građani su ti koji će ih morati otplatiti na kraju. Institucije vlasti su odgovorne za sredstva u okviru budžeta, te odlučuju u ime građana o raspodjeli prikupljenih sredstava za različite namjene.

**Budžet za građane** je dokument koji sažima i pojašnjava osnovne informacije iz budžeta. To je izvještaj za građane, predstavljen u pristupačnom formatu, pisan jednostavnim jezikom koji Vi možete razumjeti. Kada razumijete budžet, možete postavljati pitanja o tome šta radi vlast u Vaše ime.

### Šta je budžet ?

Budžet predstavlja temeljni finansijski dokument u kojem se utvrđuju programi, aktivnosti i projekti za budžetsku odnosno kalendarsku godinu.

Budžet je akt kojim se predviđaju prihodi i primici , te rashodi i izdaci za jednu godinu.

Novac koji stiže u budžet općine je novac poreskih obveznika, a naša je obaveza da njime raspolažemo u najboljem interesu lokalne zajednice.

Budžetski proces se zasniva na analizi ostvarenja prihoda u proteklom periodu, procjenama ekonomske osnove, prioritetnim ciljevima i poslovima iz nadležnosti općine, planiranim projektima i programima.

Donošenje budžeta, koraci i krajnji rokovi u pripremanju, izradi i usvajanju budžeta propisano je Zakonom o principima lokalne samouprave u Federaciji BiH i Zakonom o budžetima u Federaciji BiH.

### Od čega se budžet sastoji ?

*Općeg dijela budžeta* – Računa prihoda i rashoda te Računa financiranja ;

*Posebno dijela budžeta* – plana rashoda i izdataka iskazanih po vrstama , raspoređenih u programe koji se sastoje od aktivnosti i projekata ;

*Plan kapitalnih razvojnih programa* – koji sadrži ciljeve i prioritete razvoja Općine.



## Ko finansira pojedine nadležnosti ?

OPĆINA ILIJAŠ, kao jedinica lokalne samouprave u Federaciji BiH, obavlja poslove iz samostalne nadležnosti i poslove koji su joj preneseni posebnim zakonima.



## Nadležnosti Općine ?

	PROVOĐENJE POLITIKE UREĐENJA PROSTORA I ZAŠTITE OKOLIŠA
	KORIŠTENJE I UPRAVLJANJE GRAĐEVINSKIM ZEMLJIŠTEM
	PROVOĐENJE STAMBENE POLITIKE I STAMBENE IZGRADNJE
	UPRAVLJANJE I RASPOLAGANJE IMOVINOM OPĆINE
	DONOŠENJE REGULACIONIH I PROVEDBENIH PLANOVA
	VRŠI POSLOVE PREMIJERA I KATASTRA ZEMLJIŠTA
	ORGANIZIRA EFIKASNU OPĆINSKU UPRAVU
	VOĐENJE MATIČNIH KNJIGA, EVIDENCIJA O LIČNIM STANJIMA GRAĐANA I BIRAČKIM SPISKOVIMA
	OSNIVA MJESNE ZAJEDNICE
	ZAŠTITA I SPAŠAVANJE LJUDI I IMOVINE OD PRIRODNIH I DRUGIH NESREĆA
	UPRAVLJANJE I FINANSIRANJE JAVNIH USTANOVA IZ OBLASTI KULTURE I SPORTA
	OSIGURANJE USLOVA ZA RAD LOKALNIH RADIO I TV STANICA
	POTICANJE EKONOMSKOG RAZVOJA (POLJOPRIVREDE, PODUZETNIŠTVA I DR.)

Općina obezbjeđuje komunalne djelatnosti i upravljanje objektima lokalne infrastrukture

	VODOSNADBJEVANJE I OTPADNE VODE
	PRIKUPLJANJE I ODVOZ ČVRSTOG OTPADA
	ODRŽAVANJE JAVNE ČISTOĆE
	LOKALNI PUTEVI I MOSTOVI
	ULIČNA RASVJETA
	JAVNA PARKIRALIŠTA
	PARKOVI I ZELEN POVRŠINE

„Efikasnije korištenje raspoloživih resursa, kao i uspješnije određivanje prioriteta u trošenju finansijskih sredstava, osnova su budžetske politike naše Općine“



Finansiranje nadležnosti (zakonska obaveza i dobrovoljno finansiranje, u skladu sa opredjeljenjem lokalne politike) prikazano je u sljedećoj tabeli :

UČEŠĆE OPĆINE U FINANSIRANJU	POTPUNO FINANSIRA OPĆINA	UGLAVNOM FINANSIRA OPĆINA	U ODREĐENOJ MJERI FINANSIRA OPĆINA (nadležnost drugih nivoa vlasti)	NE FINANSIRA OPĆINA
OBRAZOVANJE			●	
OPĆA UPRAVA (matični ured, javna uprava)	●			
ZDRAVSTVENA ZAŠTITA			●	
SOCIJALNA ZAŠTITA		●	●	
KULTURA			●	
PROSTORNO UREĐENJE	●			
KOMUNALNE I DRUGE USLUŽNE DJELATNOSTI	●			
ZAŠTITA OKOLINE			●	
SAOBRAĆAJ			●	
CIVILNA ZAŠTITA	●			



## Budžetski proces i budžetski kalendar ?

Budžetski proces se zasniva na analizi ostvarenja prihoda u proteklom periodu, procjenama ekonomske osnove, prioritarnim ciljevima i poslovima iz nadležnosti Općine Ilijaš, planiranim projektima i programima.

Budžetski kalendar zasniva se na odredbama Zakona o budžetima FBiH, a u skladu je sa Operativnim budžetskim kalendarom za izradu i donošenje Dokumenta okvirnog budžeta općine Ilijaš za period 2020-2022. godine i Budžeta općine Ilijaš za 2019. godinu te Operativnim planom rada Općinskog načelnika i Općinskog vijeća Ilijaš. Aktivnosti, prema budžetskom kalendaru počinju već u februaru

tekuće godine, kada se izrađuje informacija o ekonomskoj fiskalnoj politici za tekuću godinu procjena kretanja za naredne tri godine.

Već u martu svi budžetski korisnici dostavljaju prijedloge prioriteta za izradu Dokumenta okvirnog budžeta (DOB) koji se usvaja najkasnije u šestom mjesecu. Služba za privredu i finansije budžetskim korisnicima dostavlja uputstvo za pripremu zahtjeva za dodjelu sredstava iz budžeta, rokove i ograničenja u pogledu potrošnje. Potom, budžetski korisnici dostavljaju zahtjeve za odobravanje rashoda sa planiranim iznosima, a na osnovu pristupa se izradi Nacrta budžeta. Nacrt budžeta

sadrži: detaljan prikaz javnih prihoda i rashoda budžeta, prijedlog upotrebe budžetskog suficita, odnosno izvore za finansiranje budžetskog deficita, funkcionalnu klasifikaciju izdataka budžetskih korisnika, prihode i izdatke svakog budžetskog korisnika u skladu sa prihodima i izdacima, klasifikacije računskog plana, visinu tekuće rezerve koja ne može biti veća od 3% budžetskih prihoda bez primitka. Nacrt budžeta se upućuje na usvajanje Općinskom vijeću Ilijaš. U ovoj fazi moguće je učešće građana putem NVO-a i grupa građana, kroz dostavljanje zahtjeva vijećnicima ili radnim tijelima Vijeća. Općinsko vijeće utvrđuje Nacrt budžeta i upućuje ga u javnu raspravu u kojoj učestvuju: Općinsko vijeće i njegova radna tijela, političke stranke, odnosno Klubovi vijećnika, nadležna radna tijela Općinskog vijeća, savjeti MZ-a, građani i udruženja građana sa područja općine Ilijaš. Nacrt budžeta objavljuje se na oglasnoj ploči općine i na općinskoj web stranici [www.ilijas.ba](http://www.ilijas.ba). Primjedbe i sugestije date tokom javne rasprave moraju se dostaviti u pisanoj formi. Nakon završene javne rasprave, primjedbe i sugestije se sumiraju i u vidu izvještaja o provedenoj javnoj raspravi uz tekst Prijedloga budžeta se dostavljaju Općinskom vijeću na usvajanje. U ovoj fazi izrade budžeta postoji indirektna mogućnost učešća građana putem amandmanskog djelovanja vijećnika. Općinsko vijeće usvaja Budžet koji se potom objavljuje u Službenim novinama Kantona Sarajevo, a budžetski korisnici se obavještavaju o iznosima odobrenih sredstava.




-  do 15.02.2019.g. Služba za privredu i finansije priprema budžetsku instrukciju br. 1 o načinu i elementima izrade Dokumenta okvirnog budžeta Općine Ilijaš za period 2020-2022.godina
-  do 15.04.2019. godine - Služba za privredu i finansije u saradnji sa ostalim službama priprema prijedlog prioriteta za izradu Dokumenta okvirnog budžeta općine Ilijaš za period 2020. -2022.godina
-  do 15.06.2019. godine - Služba za privredu i finansije priprema Dokument okvirnog budžeta i dostavlja ga Općinskom načelniku
-  do 30.06.2019. godine - Općinski načelnik usvaja Dokument okvirnog budžeta za period 2020.-2022. Godina
-  do 15.07.2019. godine - Služba za privredu i finansije objavljuje Dokument okvirnog budžeta na web stranici Općine Ilijaš
-  do 15.07.2019. godine - Služba za privredu i finansije dostavlja budžetskim korisnicima Instrukciju br. 2 – smjernice za izradu budžetskih zahtjeva za budžetsku 2020. Godinu
-  do 15.08.2019. godine - Budžetski korisnici dostavljaju Službi za privredu i finansije zahtjeve za budžetsku 2020. Godinu
-  do 15.09.2019. godine - Služba za privredu i finansije obavlja konsultacije sa budžetskim korisnicima u vezi sa zahtjevima i prioritetima budžetske potrošnje
-  do 15.10.2019. godine - Služba za privredu i finansije dostavlja Općinskom načelniku prijedlog Nacrta Budžeta Općine Ilijaš za 2020. godinu
-  do 01.11.2019. godije - Općinski načelnik u saradnji sa Službom za privredu i finansije utvrđuje Nacrt Budžeta Općine Ilijaš za 2020. godinu
-  do 05.11.2019. godine - Općinski načelnik dostavlja Nacrt Budžeta Općine Ilijaš za 2020. godinu i prateću dokumentaciju propisanu Zakonom o budžetima u Federaciji BiH Općinskom vijeću
-  do 31.12.2019. godine- Općinsko vijeće donosi Budžet Općine Ilijaš za 2020. godinu



## Kako se puni Budžet općine Ilijaš ?

Općinsko vijeće Ilijaš utvrdilo je Nacrt budžeta Općine Ilijaš za 2020. godinu na 36. sjednici održanoj 27. novembra, 2019. godine i uputilo ga u javnu raspravu od 28.11.2019.godine do 15.12.2019. godine. Budžet Općine Ilijaš za 2020. godinu iznosi 14.664.900,00 KM.

Budžet Općine Ilijaš ostvaruje javne prihode po osnovu poreza, taksi, naknada, doprinosa i drugih prihoda koji se prikupljaju i raspoređuju u skladu sa odredbama Zakona o pripadnosti javnih prihoda u Federaciji BiH.



1	POREZNI PRIHODI	6.116.900,00 KM
2	NEPOREZNI PRIHODI	2.939.500,00 KM
3	PRIHODI OD TEKUĆIH TRANSFERA	883.500,00 KM
4	PRIHODI PO OSNOVU DONACIJA	10.000,00 KM
5	PRIHODI OD KAPITALNIH TRANSFERA	2.766.500,00 KM
6	PRIHODI PO OSNOVU ZAOSTALIH OBAVEZA	500,00 KM
7	KAPITALNI PRIMICI	1.000.000,00 KM
8	PRENESENA SREDSTVA	948.000,00 KM

Porezni prihodi sastoje se najvećim dijelom od indirektnih poreza, poreza na imovinu i poreza na dohodak. Općina nema direktan uticaj na ostvarenje poreznih prihoda s obzirom da se oni prate i raspoređuju na višim nivoima vlasti.


Neporezni prihodi su drugi najveći izvor finansiranja Općine i njih čine prihodi od poduzetničkih aktivnosti i imovine, a odnose se na prihode od iznajmljivanja poslovnih prostora, stanova, prodaje imovine, kamatu, naknada, taksi, i prihoda od pružanja javnih usluga, a odnose se na zauzimanja javnih površina, rente, komunalnih taksi, reklame i drugi itd).

Tekući i kapitalni grantovi se uglavnom odnose na grantove drugih nivoa vlasti i namijenjeni su za finansiranje i sufinansiranje projekata od zajedničkog interesa.


„Efikasnije korištenje raspoloživih resursa, kao i uspješnije određivanje prioriteta u trošenju finansijskih sredstava, osnova su budžetske politike naše Općine“




**Porezni prihodi**




**Prihod od indirektnih poreza**




**Porez na imovinu**



**Neporezni prihodi**



**Prihodi po osnovu transfera**



„Efikasnije korištenje raspoloživih resursa, kao i uspješnije određivanje prioriteta u trošenju finansijskih sredstava, osnova su budžetske politike naše Općine“




Kapitalni primici u okviru Budžeta općine Ilijaš za 2020. Godinu projicirani su u iznosu od 1.000.000 KM, a odnose se na prihod po osnovu prodaje zemljišta u okviru Industrijske zone Luke, zemljišta za izgradnju stambenih naselja Alića Gaj i Banovac.

Prenesena sredstva u ukupnoj strukturi prihoda učestvuju sa 6,47 % i iznose 948.000 KM. U okviru ove strukture prihoda vidljivo je da se radi o strogo namjenskim prihodima odnosno prihodima koji imaju unaprijed uvrđenu namjenu, a isti se odnose :

- Prihode po osnovu Zakona o zaštite i spašavanju u iznosu 405.000 KM, a koji se koriste strogo namjenski na provođenje mjera zaštite i spašavanja od prirodnih i drugih nesreća te za izgradnju i održavanje javnih skloništa.
- Prihode u iznosu od 326.000 KM po osnovu kreditnog zaduženja na ime izgradnje gradskog stadiona sa pratećim sadržajima
- Prihode u iznosu 217.000 KM od ostalih nivoa vlasti, institucija i građana na ime na ime sufinansiranja rekonstrukcije i izgradnje infrastrukturnih i drugih objekata

## Rashodi i izdaci

Pored rashoda i izdataka koji su planirani za obavljanje osnovne djelatnosti jedinstvenog općinskog organa uprave, općinskog vijeća i mjesnih zajednica u skladu sa zakonskim nadležnostima, planirani sui rashodi izdaci u skladu sa ciljevima i projektima utvrđenim u Strategiji lokalnog razvoja Općine Ilijaš, Operativnim planom Općinskog načelnika i potrebama mjesnih zajednica.




<b>Bruto plaće i naknade</b>	<b>2.328.200,00 KM</b>
<b>Izdaci za materijal i usluge</b>	<b>1.161.900,00 KM</b>
<b>Tekući transferi</b>	<b>2.615.100,00 KM</b>
<b>Kapitalni transferi i izdaci</b>	<b>8.455.700,00 KM</b>
<b>Izdaci za kamate i ostale naknade</b>	<b>24.000,00 KM</b>
<b>Budžetska rezerva</b>	<b>80.000,00 KM</b>

„Efikasnije korištenje raspoloživih resursa, kao i uspješnije određivanje prioriteta u trošenju finansijskih sredstava, osnova su budžetske politike naše Općine“



## Rashodi za plaće i troškovi administracije

U okviru budžetske potrošnje za administrativni dio budžeta (trškovi organa uprave, općinskog vijeća i mz) izdvaja se iznos od 3.594.100,00 KM, što predstavlja 24,51 % od ukupnog budžeta tj. ukupnih prihoda i primitaka.



U okviru budžetske potrošnje za plaće (bruto plaće i doprinosi i naknade troškova) zaposlenih u organu uprave izdvaja se iznos od 2.328.200 KM, što predstavlja 15,88% od ukupnog budžeta tj. ukupnih prihoda i primitaka. Ovaj podatak govori o nastavku racionalizaciji i uštedi u okviru troškova plaća.


Na ime troškova funkcionisanja Jedinственog općinskog organa uprave, Općinskog vijeća i mjesnih zajednica u okviru budžetske potrošnje izdvaja se iznos od 1.161.900 KM ili 7,92 % od ukupnog budžeta.

Iz Budžeta općine Ilijaš za 2020. Godinu na ime troškova naknada Općinskih vijećnika, komisija Općinskog vijeća te rada klubova vijećnika koji participiraju u Općinskom vijeću iz Budžeta općine Ilijaš za 2020. godinu izdvojiti će se 272.490 KM ili 1,86 ukupno projiciranih prihoda.

Na ime naknada Savjetima mjesnih zajednica i Naknada štaba i jedinice civilne zaštite iz Budžeta Općine Ilijaš za 2020. godinu izdvojiti će se 127.630 KM ili 0,87 ukupno projiciranih prihoda.




Općina Ilijaš će iz Budžeta općine Ilijaš kao podršku programima i projektima socijalne zaštite u 2020. Godini izdvojiti 331.800,00 KM ili 2,26 % ukupno planiranih budžetskih sredstava.




Općina Ilijaš će iz Budžeta općine Ilijaš kao podršku programima i projektima u oblasti obrazovanja i mladih u 2020. godini izdvojiti 1.166.500,00 KM ili 9.49 % ukupno planiranih budžetskih sredstava, odnosno 780.000 KM na ime kapitalnih ulaganja i 386.500 KM na ime tekućih transfera institucijama i udruženjima.



Općina Ilijaš će iz Budžeta općine Ilijaš kao podršku programima i projektima u oblasti boračko invalidske zaštite u 2020. godini izdvojiti 559.800,00 KM ili 3.82 % ukupno planiranih budžetskih sredstava.




Općina Ilijaš će iz Budžeta općine Ilijaš kao podršku programima i projektima u oblasti kulture i sporta u 2020. godini izdvojiti 1.766.000,00 KM ili 12.04 % ukupno planiranih budžetskih sredstava, odnosno 1.120.000 KM na ime kapitalnih ulaganja i 646.000 KM na ime tekućih transfera institucijama i udruženjima.




U okviru Budžeta općine Ilijaš za 2020. godinu za kapitalne transfere i izdatke izdvojeno je 8.845.700 KM ili 57,66%.

Visinom izdvojenih sredstava za kapitalne transfere i izdatke u odnosu na cjelokupan budžet može se odrediti u kojoj mjeri je on razvojni.




Za projekte vodosnadbjevanja i izgradnje fekalne i oborinske kanalizacije u okviru kapitalnog Budžeta općine Ilijaš za 2020.godine izdvojeno je 920.000 KM ili 10,88 %.




„Efikasnije korištenje raspoloživih resursa, kao i uspješnije određivanje prioriteta u trošenju finansijskih sredstava, osnova su budžetske politike naše Općine“



Za projekte rekonstrukcije, sanacije, izgradnje i održavanja puteva i putnih komunikacije u okviru kapitalnog Budžeta općine Ilijaš za 2020.godine izdvojeno je 2.695.000 KM ili 31,87 %.




Na ime nabavke zemljišta koja će poslužiti za realizaciju projekata rekonstrukcije i izgradnje u okviru kapitalnog Budžeta općine Ilijaš za 2020.godine izdvojeno je 470.000 KM ili 5,56 %.




„Efikasnije korištenje raspoloživih resursa, kao i uspješnije određivanje prioriteta u trošenju finansijskih sredstava, osnova su budžetske politike naše Općine“



Za projekte izgradnje i rekonstrukcije školski objekata i nabavku opreme u okviru kapitalnog Budžeta općine Ilijaš za 2020.godine izdvojeno je 405.000 KM ili 4,79 %.



Za projekte ostale komunalne infrastrukture i druge manje projekte u okviru kapitalnog Budžeta općine Ilijaš za 2020.godine izdvojeno je 1.911.700 KM ili 22,61 %.



„Efikasnije korištenje raspoloživih resursa, kao i uspješnije određivanje prioriteta u trošenju finansijskih sredstava, osnova su budžetske politike naše Općine“



Za projekte izgradnje i rekonstrukcije sportskih objekata u okviru kapitalnog Budžeta općine Ilijaš za 2020.godine izdvojeno je 1.120.000 KM ili 13,25 %.



Za projekte izgradnje i rekonstrukcije javne rasvjete po mjesnim zajednicama u okviru kapitalnog Budžeta općine Ilijaš za 2020.godine izdvojeno je 311.000 KM ili 3,68 %.



November 27, 2019

„Efikasnije korištenje raspoloživih resursa, kao i uspješnije određivanje prioriteta u trošenju finansijskih sredstava, osnova su budžetske politike naše Općine“



Budžet za građane Općine Ilijaš predstavlja jednu vrstu pojednostavljenog budžetskog dokumenta čija je osnovna karakteristika da je kreiran tako da bude dostupan i razumljiv većem dijelu građana.

Budžet za građane je dokument pisan jednostavnim i jasnim jezikom koji građani mogu razumjeti. To Vas dovodi u poziciju da možete i postavljati pitanja koja osiguravaju da vlast objašnjava ono šta radi u njihovo ime.



Pogledajte Budžet za građane, i aktivno se uključite u javnu raspravu, a u slučaju da je ostalo nešto nejasno i nedorečeno, kontaktirajte nas na dole navedene adrese.

## OPĆINA ILIJAŠ

### Služba za privredu i finansije

126.ilijaške brigade br. 6, 71380 Ilijaš

Kontakt osoba: **Merima Osmanović**,  
*Pomoćnica načelnika za privredu i finansije*

Telefon: **033 580 650**

email: [merima.osmanovic@ilijas.ba](mailto:merima.osmanovic@ilijas.ba)

Kontakt osoba: **Nedžad Masnopita**

Šef odsjeka za budžet i trezor

Telefon: **033 580 666**

email: [finansije@ilijas.ba](mailto:finansije@ilijas.ba)

